

Skipulagsstofnun

Laugavegi 166

150 Reykjavík

Laugarvatni, 12. febrúar 2015

Tilvísun: 1501017 PIH

Efni: Landsskipulagsstefna 2015-2026, umsögn um auglýsta tillögu.

Eftirfarandi eru atriði sem sameiginleg skipulagsnefnd Grímsnes- og Grafningshrepps, Bláskógabyggðar, Hrunamannahrepps, Skeiða- og Gnúpverjahrepps, Flóahrepps og Ásahrepps vill koma á framfæri og varða auglýsta tillögu að Landsskipulagsstefnu 2015-2026.

1. Hlutverk Sambands íslenskra sveitarfélaga

Víða í textanum er búið að fela Sambandi íslenskra sveitarfélaga verkefni sem samræmist ekki hlutverki þeirra. Sambandið er hagsmunasamtök sveitarfélaga en ekki sérstakt stjórnsýslustig og fara þarf yfir textann með það í huga. Á þetta t.d. við um verkefni tengd skráningu mannvirkja á hálendinu og flokkun landbúnaðarlands. Fram kemur að Skipulagsstofnun og Samband Íslenskra sveitarfélaga í samvinnu við þjóðskrá skuli hafa forgöngu um ítarlega skráningu á mannvirkjun og þjónustu á miðhálandinu m.a. með það að markmiði að bæta skráningu. Er þetta sérstakt þar sem ábyrgð á skráningu fasteigna er hjá sveitarfélögnum í samráði við þjóðskrá og eru þegar til upplýsingar um lang flest mannvirki.

2. Hlutverk héraðsáætlunar Landgræðslu Íslands

Fram kemur að leggja eigi héraðsáætlanir Landgræðslu ríkisins til grundvallar skipulagsákvörðunum og að skipulagsákvarðanir um beit og landgræðslu eigi að byggja á henni. Er þetta ekki í samræmi við efni eða formlegt hlutverk héraðsáætlana. Sjálfsagt er að taka tillit til héraðsáætlana Landgræðslu ríkisins eins og annarra grunngagna um náttúru landsins en í texta Landsskipulagsstefnu er gert of mikið úr formlegu hlutverki þessara áætlana við stefnumörkun, sem og hlutverki Landgræðslu ríkisins.

3. Samræmi Landsskipulagsstefnu við aðra stefnumörkun ríkisins

Eitt af verkefnum landsskipulagsstefnu er að taka saman áætlanir ríkisins varðandi landnotkun. Í því ljósi þarf að skoða betur misræmi milli Kerfisáætlunar 2014-2023 og Landsskipulagsstefnu.

4. Kort af miðhálandi

Verði áætlunin að veruleika er nauðsynlegt að skýra lög um útgáfu korta og kortagrunn þar sem einkaaðilum er frjálst að gefa út kort með hinum fjölmörgu vegum og vegleysum án þess að þar fylgi nokkur ábyrgð.

SKIPULAGS- OG BYGGINGARFULLTRÚI UPPSVEITA BS.
Bláskógbabyggð/Grímsnes- og Grafningshreppur/Hrunamannahreppur
Skeiða- og Gnúpverjahreppur/Flóahreppur/Ásahreppur

5. Skipulag dreifbýlis og búsetumynstur

Tryggja þarf vöxt þéttbýliskjarna en einnig er nauðsynlegt að byggð þróist í dreifbýli sem valkostur fyrir þá sem það kjósa. Mikilvægt er að gera ráð fyrir fjölbreyttum búsetuformum og ætti ekkert að vera því til fyrirstöðu að gera ráð fyrir að byggð þróist í tengslum við þegar byggð samgöngukerfi. Er þá ekki sérstaklega verið að líta til uppbyggingu stórra hverfa (t.d. búgarðabyggð) heldur frekar að gera ráð fyrir að byggð verði stök smábýli þar sem það á við. Fram til þessa hefur verið litið á fækken ibúa í dreifbýli sem stærra vandamál en fjölgun ibúa á þessum svæðum. Samfélög breytast með tíma og varasamt er að takmarka búsetu á stórum svæðum við ákveðnar atvinnugreinar.

Þá er í landsskipulagsstefnunni sérstaklega fjallað um eflingu ferðapjónustu í dreifbýli. Ekki ætti að taka ferðapjónustuna sérstaklega fyrir þar sem fjalla þarf um eflingu atvinnustarfsemi í dreifbýli almennt þ.a.m. ferðapjónustu.

6. Samgönguleiðir

Varðandi samgöngur er nauðsynlegt að skilgreina samgönguleiðir á sem víðustum grunni ekki bara ferðamannaleiðir heldur samgönguleiðir almennt, ríðandi, gangandi, hjólandi og akandi.

7. Náttúrvá

Tekið er undir nauðsyn þess að skilgreina náttúrvá við gerð skipulags. Nauðsynlegt er að fara yfir lagasetningu sem tengist þessum málaflokki og skýra hvaða aðilar það eru sem hafa formlega ábyrgð á mati á hvers konar náttúrvá, gefi út kort og viðmiðanir.

8. Forsendur skipulagsákvaðarðana

Í kafla um skipulag í dreifbýli kemur fram að flokkun landbúnaðarlands, landslagsgreining og vistgerðarflokkun verði lögð til grundvallar skipulagsákvörðunum. Mikilvægt er að settar verði fram samræmdar leiðbeiningar um hvernig skuli staðið að flokkun og greiningu lands sem fyrst. Þá er eðlilegt að ákvæði um hvaða gögn skuli vera til grundvallar skipulagi skuli vera í skipulagsreglugerð en ekki landsskipulagsstefnu.

9. Almennt um uppsetningu

Landsskipulagsstefnan mætti vera sett upp á hniti miðaðri hátt þar sem erfitt getur verið að gera greinarmun á stefnumörkun og almennri umfjöllun.

Virðingarfyllst,
f.h. skipulagsnefndar

Pétur Ingi Haraldsson
skipulagsfulltrúi

